

आकाशवाणी

Evening Dogri (NSD) Bulletin 09-01-2025

1. राष्ट्रपति द्रौपदी मुर्मू होर प्रवासी भारतीय दिवस समारोह च हिस्सा लैने लेई भुवनेश्वर पुज्जियां। ओह कल प्रवासी भारतीयें गी उन्दे योगदान लेई सम्मानित करडन।
2. प्रधानमंत्री नरेंद्र मोदी होरें भारत गी 2047 तगर विकसित मुख्य बनाने च प्रवासी भारतीयें दी भूमिका गी उजागर कीता।
3. गृह मंत्रालय नै सारे राज्यें ते केंद्र शासित प्रदेशें गी टी.बी गी खत्म करने आस्तै 100 दिन दा व्यापक अभियान चलाने लेई गलाया।
4. छत्तीसगढ़ च सुरक्षाबलें ते माओवादिएं बशकार होए दे टाकरे च 3 माओवादी मारे गे।
5. ते Tennis Yuki Bhambri ते Albano Olivetti होर ASB मर्दे दे डबल्स दे सेमीफाइनल च पुज्जी गे'न।

<><><><><><>

Odisa-Pravasi Bhartiya Diwas

राष्ट्रपति द्रौपदी मुर्मू अपने गृह राज्य ओडिशा दी दिन दी यात्रा पर अज्ज संजा भुवनेश्वर पुज्जियां। बीजू पटनायक अंतर्राष्ट्रीय हवाई अड्डे पर राष्ट्रपति हुन्दा सोआगत ओडिशा दे राज्यपाल हरि बाबू मुख्यमंत्री मोहन चरण माझी ते होरनें दुए वरिष्ठ मन्ने परमन्ने दे लोके कीता। राष्ट्रपति कल 18में प्रवासी भारतीय दिवस सम्मेलन दे समापन समारोह च शामिल होडन। भारत सरकार ते ओडिशा सरकार आस्सेआ सांझे तौर पर आयोजित इस सम्मेलन च लगभग 75 देशे सोंयां लगभग छह हजार प्रवासी भारतीय हिस्सा लै र'दे न। राष्ट्रपति होर बक्ख बक्ख क्षेत्रे च टकोदे योगदान आस्तै भारतीय प्रवासिये दे 17 प्रतिष्ठित सदस्ये गी प्रवासी भारतीय सम्मान पुरस्कार भी प्रदान करडन।

<><><><><><>

PM-PBD

प्रधानमंत्री नरेन्द्र मोदी होरें आखेआ ऐ जे 2047 तगर भारत गी विकसित राष्ट्र बनाने च प्रवासी भारतीयें दी भूमिका अत लाजमी ऐ। मोदी होर ओडिशा दे भुवनेश्वर च 18में प्रवासी

भारती दिवस दा औपचारिक उद्घाटन करने परैन्त सभा गी संबोधित करै करदे हे। प्रधानमंत्री होरें वैश्विक विकास ते भारत दी विकास जातरा च प्रवासी भारतीयें दी महत्वपूर्ण भूमिका दी सराहना कीती। उनें दुनिया भरें च देशें दे राजदूतें दे तौर पर भारती प्रवासियें दिएं सेवाएं गी उजागर कीता। इस मौके पर, प्रधानमंत्री मोदी होरें प्रवासी तीर्थ दर्शन योजना दे तैहत प्रवासी भारतीयें लेई इक खास सैलानी रेलगड्डी, प्रवासी भारतीय एक्सप्रेस दी उद्घाटन जातरा गी बी झंडी दस्सी। कार्यक्रम दरान श्री मोदी होरें केई प्रदर्शिएं दा उद्घाटन कीता जिंदे च केन्द्र ते राज्यें दी सतह उप्पर बक्ख-बक्ख मंत्रालयें पास्सेआ लाए गेदे स्टॉल बी शामिल हे। इस कार्यक्रम च विदेश मंत्री डॉ. एस. जयशंकर, केंद्रीय मंत्री धर्मेन्द्र प्रधान ते अश्विनी वैष्णव, ओडिशा दे गवर्नर हरि बाबू कंभमपति, मुखमंत्री मोहन चरण माझी तें होर बी केई बड्डी हस्तियां शामिल होइयां।

<><><><><><>

MP-Nitin Gadkari

केंद्रीय शिडक ते राष्ट्रीय जरनैली शिडकें सरबन्धी मंत्री नितिन गडकरी होरें आक्खेआ ऐ जे सरकार दा मसकद देशें गी ऊर्जा आयातक सोयां ऊर्जा निर्यातक दे तौर पर बदलना ऐ। मध्य प्रदेश दे पीथमपुर च नेशनल ऑटोमोटिव टेस्ट ट्रैक च आयोजित कार्यक्रम च उनें आक्खेआ जे भारत लगातार वैकल्पिक ऊर्जा स्रोतें गी बढ़ावा देआ र दा ऐ। गडकरी होरें हाइड्रोजन गी भविक्खा दा ईंधन दस्सेआ ते आक्खेआ जे सरकार ते केई ऑटोमोबाइल कंपनियां इस पेठा कम्म करा र दियां न। उने देशें दे आर्थिक वाददे च ऑटोमोबाइल उद्योग दे महत्व पर लौह पाई। उनें आक्खेआ जे इस क्षेत्र नै अजें तगर 4 करोड़ 50 लक्ख थवा मते रोजगार पैदा कीते न।

<><><><><><>

Prahlad-Joshi Mumbai

केंद्रीय नमी ते अक्षय ऊर्जा मंत्री प्रहलाद जोशी होरें अज्ज प्रधानमंत्री नरेन्द्र मोदी हुन्ते लगातार ते टिकाऊ विकास ते भविक्ख ेद नजरिए दे मूजब 2030 तक 50 प्रतिशत गैर-जीवाश्म ऊर्जा च मुंतकिल होने दी भारत दी बचनबद्धता दी पुष्टि कीती। मुंबई च भारत दे नवीकरणीय ऊर्जा एजेंडे गी अगग बढ़ाने पर क्षेत्रीय कार्यशाला दे उद्घाटन सत्र च बोलदे होईए, श्री जोशी होरें इस गल्ला पर जोर पाया जे भारत, नवीकरणीय ऊर्जा स्रोतें दी उपलब्धता कन्नै, तकनीकी प्रगति राए हरित ऊर्जा क्षेत्र गी आर्थिक रूप कन्नै व्यवहारिक बनाने पर केंद्रित ऐ। मंत्री होरें अगगे आक्खेआ जे हरित ऊर्जा कन्नै बने उत्पादें दी वैश्विक मंग बढ़ाने दी मेद ऐ। ते भारत दा लक्ष्य इस बढ़ती मंग गी पूरा करने आस्तै अपने विशाल नवीकरणीय संसाधनं दा

लाह् ठोआना ऐ। उने एह भी दस्सेआ जे कार्यशाला दा लक्ष्य जतनें च तेजी आनान, चुनौतियें दा हल करना ते आत्मनिर्भर ते सतत ऊर्जा भविष्य आस्तै असरदार कम्म यकीनी करना ऐ। केंद्रीय नवीकरणीय ऊर्जा राज्य मंत्री श्रीपद येसो नाइक होरें भारत दे महत्वाकांक्षी नवीकरणीय ऊर्जा विस्तार लक्ष्यें गी रेखांकित कीता, जिसदे च 2030 तक 500 गीगावाट ते 2047 तक 1 हजार 800 गीगावाट शामिल ऐ। नाइक होरें प्रधानमंत्री मोदी हुन्दी अगुवाई च भारत दे सौर ऊर्जा क्षेत्र च होआ र'दे बदलाव दी सराहना कीती।

<><><><><><><><>

Kejriwal-Assembly Election

आम आदमी पार्टी दे संयोजक अरविंद केजरीवाल होरें आक्खेआ ऐ जे दिल्ली विधानसभा चुनाव च मुख मुकाबला आम आदमी पार्टी ते भारतीय जनता पार्टी बश्कार ऐ। अज्ज नमी दिल्ली च संवाददाताएं कन्ने गल्लबात च उने आक्खेआ ऐ जे एह इंडिया गठबंधन दा चुना नेई ऐ। श्री केजरीवाल होरें पार्टी दा समर्थन करने आस्तै तृणमूल कांग्रेस दी ममता बनर्जी ते समाजवादी पार्टी दे अखिलेश यादव दा आभार जताया। आम आदमी पार्टी दे संयोजक होरें आक्खेआ जे उने प्रधानमंत्री नरेंद्र मोदी होरें गी चिट्ठी लिखिए दिल्ली दे जाट समुदाय गी केंद्र आस्सेआ ओ बी सी सूची च शामिल करने दी मंग कीती ऐ। इस दौरान, भाजपा सांसद मनोज तिवारी होरें आरोप लाया जे कांग्रेस ते आम आदमी पार्टी नै अपने भ्रष्टाचार गी छपैलनें आस्तै पैहले बी केंई बारी हत्थ मिलाया ऐ। उने दावा कीता जे दोनै पार्टियां स्वाभाविक तौर पर इक-दूरे कन्नै जुड़ी दी नेई ऐ।

<><><><><><><><>

Nadda-Delhi

भारतीय जनता पार्टी दे अध्यक्ष जगत प्रकाश नड्डा होरें अज्ज दिल्ली भाजपा कार्यालय च कार्यकर्ताएं कन्ने बैठक कीती। एह बैठक दिल्ली विधानसभा चुनाव सोयां पैहले औन्दे चुनाव आस्तै पार्टी दी रणनीति गी अखीरी रूप देने आस्तै आयोजित कीती गई ही। बैठक च दिल्ली भाजपा प्रमुख वीरेंद्र सचदेवा ते पार्टी दे होर दुए नेता शामिल होए।

<><><><><><><><>

MHA-TB

गृह मंत्रालय नै सब्बनें राज्यें ते केंद्र शासित प्रदेशें गी गुजारिश कीती ऐ जे ओह जेलें ते सुधार संस्थानें च टी.बी दी बमारी गी खत्म करने लेई 100 रोजा अभियान चला। एह अभियान

मुल्खै चा इक बमारी गी खत्म करने लेई केंद्र सरकार दे धेड़यै दा हिस्सा ऐ। मंत्रालय नै इक्क चिट्ठी च आखेआ जे राज्य ते केंद्र शासित प्रदेश सब्बन जेलें च टी. बी दी जांच दे कैप लाने ते कन्नै जानकारी ते संचार मतल्लक सामग्री लान। मंत्रालय नै जेलें ते सुधार संस्थानें च टी.बी दी बमारी बारे जागरूकता गतिविधियां चलाने लेई बी आखेआ।

<><><><><><>

TB-Elimentary

जम्मू दे डिप्टी कमिशनर सचिन कुमार वैश्य, राज्य च टी.बी दी बमारी सरबन्धी अधिकारी डॉक्टर ज्योति जोली होरें इक मीटिंग दौरान टी.बी दी बमारी गी खत्म करने मुतल्लक अभियान दी प्रगति दा जायजा लैता। 100 दिन तोड़ी चलने आहले इस अभियान दी शुरूआत 7 दिसंबर गी होई ही। इस पैहलकदमी दा मकसद टी. बी दे मामले दा पता लाने च तेजी आहनना ईलाज च चिर लग्गने च कमी करना ते इलाज सरिस्ते च सुधार करना ऐ। एह अभियान 33एं राज्यें ते केंद्र शासित प्रदेशें दे समूलचे 347एं जिलें च चला करदा ऐ। डॉक्टर जोली होरें टी. बी दे मामलें दा पता लाने ते टी. बी दा ईलाज करने लेई निक्खे शिविर ते कीती जा करदी जांच दा बी जिक्र कीता। डिप्टी कमिशनर होरें अभियान दी सहायता लेई अपनी बचनबद्धता जाहिर कीती ते नशाने गी हासल करने लेई जिले दी सरगर्म भागीदारी दी जरूरतें पर जोर पाया।

<><><><><><>

Jammu-Srinagar Vande Bharat

रेल मंत्रालय नै आखेआ ऐ जे कटड़ा ते श्रीनगर बश्कार तौले गै जम्मू-श्रीनगर वंदे भारत एक्सप्रेस रेल गड्डी चलाई जाग। इस रेल गड्डी दे 8 डब्बे होइन ते एह 3 घंटे 10एं मिनटें च अपना सफर तैय करोग। स्हाढ़े संवाददाता नै खबर दिती ऐ जे जम्मू-श्रीनगर वंदे भारत रेल गड्डी दा डजैन खास एंटी फ्रीजिंग तकनीक कन्नै तैयार कीता गेदा ऐ। मंत्रालय नै एह बी जानकारी दिती ऐ जे जम्मू रेलवे स्टेशन 8 प्लेटफार्में ते अज्जै-कल्लै दी स्हूलतें कन्नै नमें सिरेआ तैयार कीता जाग।

<><><><><><>

Priksha Pe Charcha

परीक्षा पे चर्चा दे 8में संस्करण आस्तै देश-विदेश सोयां छात्रे, शिक्षकें ते अभिभावकें थवा दो करोड़ 70 लक्ख थवा मते पंजीकरण हासिल होए न। इस कार्यक्रम आस्तै **माई जीओवी डॉट इन पोर्टल** पर ऑनलाइन पंजीकरण 14 दिसम्बर गी शुरू होआ हा ते इस

महीने दी 14 तारीक तगर इसदे आस्तै आवेदन कीता जाई सकौग। शिक्षा मंत्रालय नै आकखएआ ऐ जे प्रधानमंत्री नरेंद्र मोदी हुन्दी परीक्षा पे चर्चा पैहल, परीक्षा कन्नै जुड़े दे तना गी घट्ट करने ते परीक्षा गी इक उत्सव च बदलने आस्तै राष्ट्रव्यापी आंदोलन दे तौर पर अगगे बदा र दी ऐ। कार्यक्रम मानसिक सेहत पर गल्लबात ते परीक्षाएं प्रति सकारात्मक नजरिऐ गी बढ़ावा देने आस्तै छात्रेँ बश्कार लोकप्रिय ऐ।

<><><><><><>

Ladakh Viksit Bharat Samwad

विकसित भारत युवा नेता संवाद च हिस्सा लैने आस्तै लद्दाख दे युवा कलाकारें दा इक दल अज्ज बडले नमी दिल्लली आस्तै रवाना होआ। एह कार्यक्रम स्वामी विवेकानंद हुन्दी जयंती दे सरबंथे च 10 सोयां 12 जनवरी तकर मनाया जन्दा ऐ। इस दल च 16 सदस्य शामिल हे, जेदे च 13 महिला कलाकार, इक निबंध लेखक ते दो अधिकारी न, जेडे लद्दाख दी समृद्ध सांस्कृतिक विरासत गी प्रदर्शित करौग। विकसित भारत युवा नेता संवाद दा मसकद समूचे भारत सोयां युवाएं गी किट्ठे आनिए, सांस्कृतिक विविधता दा उत्सव मनाना, सांप्रदायिक एकता ते सद्भाव गी बढ़ावा देना ऐ। इस कार्यक्रम च लद्दाख दा प्रतिनिधित्व भारत दी विविध सांस्कृतिक विरासत गी दर्शान्दा ऐ।

<><><><><><>

Chhatisgarh-Maoists

छत्तीसगढ़ दे सुकमा जिले च अज्ज सुरक्षा बले ते माओवादियें बश्कार टाकारा होआ। साहडे संवाददाता नै दस्सेआ ऐ जे टाकरा सुकमा ते बीजापुर जिलें दे बन्ने पर जंगल च उसलै होआ जिसलै सुरक्षाकर्मियें दी इक सांझी टीम नक्सल विरोधी अभियान पर निकली ही। सूत्रें मूजब टाकरे च त्रै माओवादी मारे गए न। इस अभियान च जिला रिजर्व गार्ड, स्पेशल टास्क फोर्स ते कोबरा टीम दे जवान शामिल हे। खीरी रिपोर्ट औने तगर टाकरा जारी हा।

<><><><><><>

LG-Review Meet

लेफ्टिनेंट गवर्नर मनोज सिन्हा होरें जम्मू-कश्मीर च त्रै नमें अपराधिक कन्नूनें-भारतीय न्याय संहिता-2023, भारतीय नागरिकसुरक्षा संहिता-2023 ते भारती साक्ष्य अधिनियम-2023 दी अमल आवरी दा जायजा लैने आस्तै अज्ज इक उच्ची सतह दी बैठक लाई। एल.जी होरें पैहली जुलाई 2024 थमां लागू होए दे इनें त्रौनें कन्नूनें दी असरदार ढंगे सिर अमल आवरी लेई पुलस कर्मिएं ते होरनें सरबंथत मैहकमें दे मलाजमें दी सिखलाई ते समर्थ निर्माण लेई कीते

गेदे हीलें दी जानकारी लैती। सिन्हा होरें अपराधिक न्याऽ प्रणाली गी तगड़ा बनाने ते खासतौरा पर बड़े संगीन अपराधें, राष्ट्र विरोधी गतिविधिं ते आतंकवाद कन्नै जुड़े दे मामलें च दोष-सिद्ध करने दी दर बधाने लेई समर्पित जत्न दे महत्व पर जोर पाया। एल.जी होरें आखेआ जे पुलस आसेआ कीती गेदी कार्रवाईं च पारदर्शिता यकीनी बनाने दे कन्नो-कन्नी जांच लेई तय समें-सीमा पर खरा उतरना बी यकीनी बनाया जाना लोड़चदा ऐ।

<><><><><><>

Tennis

भारत दे युकी भांबरी ते फ्रांस दे अल्बानो ओलिवेटी हुन्दी जोड़ी नै अज्ज न्यूजीलैंड दे ऑकलैंड च एएसबी क्लासिक टेनिस टूर्नामेंट दे मेर्दे दे डबल्सी दे सेमीफाइनल च थाहर बनाई लैती ऐ। उने क्वार्टर फाइनल च लॉयड ग्लासपूल ते जूलियन कैश दी जोड़ी गी 3-6, 6-4 ते 12-10 कन्नै हराया। अमरीका दे राजीव राम ते क्रिश्चियन हैरिसन दी जोड़ी नै फ्रांस दे सादियो डौम्बिया ते फैबियन रेबुल गी 7-5, 6-7, 10-5 कन्नै हराईऐ सेमीफाइनल च अपनी थाहर पक्कीर कीती।

<><><><><><>

Malasia-Open Badminton

मलेशिया ओपन बैडमिंटन च भारत दे ध्रुव कपिला ते तनिषा क्रैस्टो गी मिक्स्ड डबल्स दे राउंड ऑफ 16 च गतिरोध दा सामना करना पेआ। उनें अज्ज बडलै कुआ-ला-लंपुर च जिंग चेंग ते ची झांग दी सातमी वरीयता प्राप्त चीनी जोड़ी कन्नै 13-21, 20-22 करी हार दा सामना करना पेआ। इसदे थवा पैहले, भारतीय जोड़ी नै कल राउंड ऑफ 32 च दक्ख कोरिया दे सुंग ह्यून गी ते हये वोन इओम गी 21-13, 21-14 सोयां हराया हा।

<><><><><><>

Orientation Camp

जम्मू-कश्मीर विधानसभा च नमें चुने गेदे विधायकें लेई जम्मू विधानसभा परिसर दे केंद्री कक्ष च अज्जै थमां त्र'ऊं दिनें दा सिखलाई कार्यक्रम रम्भ होआ। अज्ज लोआए गेदे उद्घाटनी कार्यक्रमें च मुखमंंत्री उमर अब्दुल्ला, विधानसभा दे स्पीकर अब्दुल रहीम राथर, उपमुखमंंत्री सुरिंद्र चौधरी ते विधानसभा च बरोधी धड़ें दे नेता सुनील शर्मा हुंदे सने वरिष्ठ अधिकारिं बी शिरकत कीती। आकाशवाणी दे जम्मू संवाददाता दी रिपोर्ट मूजब, इस सिखलाई कार्यक्रम दा सरिस्ता जम्मू-कश्मीर विधानसभा सचिवालय आसेआ लोकसभा सचिवालय दे सैहयोग कन्नै कीता जा'रदा ऐ। एहदा मकसद नमें चनोए दे विधायकें गी संसदी प्रथाएं, मतल्लक जानकारीयां

देना तां जे ओह लोकेँ दिएं आसैं-मेदें गी पूरा करने दी अपनी जिम्मेदारी गी खरी चाली तोड़ चाड़ी सकन।

<><><><><><>

IMD-Weather

मौसम विभाग नै कल जम्मू-कश्मीर ते लद्दाख दी बक्ख बक्ख-थाहरें पर शीत लहर दा अनुमान जाहिर कीता ऐ। हरियाणा, चंडीगढ़, दिल्ली ते देशै दे पूर्वोत्तर राज्यें दे किश हिस्सें च अगले 2 दिनें दौरान घना कोहरा दिखने गी लब्धी सकदा ऐ। आकाशवाणी समाचार कनने गल्लबात करेद होई मौसम विभाग दी वरिष्ठ वैज्ञानिक डॉ. सोमा सेन राँय होरें दस्सेआ जे 11 जनवरी सोयां उत्तर-पश्चिमी क्षेत्र च गरज कन्नै हल्की बरखा होने दी संभावना ऐ। विभाग नै दस्सेआ जे अज्ज उत्तर भारत दे घट्टोघट्ट तापमान च गिरावट नेई होग। दिल्ली च कल बडलै घट्टोघट्ट तापमान च बल्ले बल्ले बाददा दिखेआ जाई सकदा ऐ।

<><><><><><>

Weather/Highway

मौसम विभाग नै औंदी 16 जनवरी तगर जम्मू कश्मीर च मौसम आम तौरा पर खुशक रौहने ते आमतौर उप्पर बदल घनोए दे रौहने दी मेद दस्सी ऐ। आकाशवाणी दे जम्मू संवाददाता नै जानकारी दिती ऐ जे 8 कोला 10 जनवरी तगर मौसम भलेयां खुशक रौहग, कल 10 जनवरी दी रातीं ते अतरूं 11 जनवरी गी मौसम बदलोखड़ा बनोग ते जम्मू दे झिगड़े इलाके च हौली बरखा बरी सकदी ऐ जिसलै के कश्मीर घाटी ते जम्मू प्रांतै दे उप्परले पहाड़ी इलाके च टांमी-टांमी थाहें पर हल्की जनेई बर्फबारी बी होई सकदी ऐ। ओहदे बाद 12 कोला 14 जनवरी तगर मौसम खुशक रौहने दी तवक्को ऐ जिसलै 15 ते 16 जनवरी गी आम तौरा पर गासै पर बदल घनोए दे रौहगन ते किश टांमी-टांमी थाह्ं पर हल्की बर्फबारी बी होई सकदी ऐ। मौसम विभाग नै आखेआ ऐ जे ठंडू दा प्रकोप बरोबर जारी रौहग ते सैलानिएं ते आम यात्रिएं गी यात्रा करने कोला पैहले प्रशासन ते ट्रैफिक दिएं हिदायतें गी दिक्खी सुनी लैन। तोआईं स्हाड़े संवाददाता दी रिपोर्ट मूजब, जम्मू-श्रीनगर राष्ट्री जरनैली सिड़कें पर दौने बक्खी दा गड़डिएं दी आओजाई बवस्थित ढंग्गै कन्नै चलै करदी ऐ। उआं जम्मू खिते दे रजौरी ते पुंछ जिलें गी कश्मीर घाटी कन्नै जोड़ने आहली ऐतिहासिक मुगल रोड अज्ज उप्परोतली 12में रोज बी गड़डिएं दी आओजाई लेइ बंद ऐ।

<><><><><><>